

亥23
17-24

王氏潛齋醫書五種
三



小引

余承世業幼讀醫書而閱歷三十年愈覺斯道之難精竊謂宋元以來名家夥矣無不立言有所偏倚若薛立齋張會卿趙養葵李士材之派則其尤甚者也國朝一切著述莫不邁越前古醫林自喻氏崛起之後羣賢迭出於斯爲盛然張路玉精於論溫而勞損之陰陽不別徐靈胎通乎古今之變而拘守柴胡以治瘧雖尺有所短而瑕不掩瑜彼柯韻伯之辨而好爲穿鑿黃坤載陳修園之博而偏於溫燥坐而言則可起而行則礙以吳鞠通之明而混疫於溫致招章虛谷之議更不知霍亂有寒熱之分則尤陋矣此孟英霍亂論之所由述也余讀其書神交數載幸一葦可杭復蒙寄示回春醫案二卷展繹之餘益信其抱有猷有爲有守之才故能鑄古鎔今隨機應變可以坐而言可以起而行不愧爲一代之名家今春來越視樗里王姓之證始得把臂快慰平生賞奇析疑別聆妙悟翻恨相見太遲致余聞道之晚也且知尙有仁術志一書乃張趙諸君輯其近案猶未梓行余不敏敢不步塵續采以當執鞭之忻慕乎

王氏醫案續編卷四 原名仁術志

杭州王士雄孟英醫案

山陰陳

坤載安續編

丁未春金朗然令堂陡吐狂血肢冷自汗孟英切脈弦澀察血紫黯乃肝鬱凝痰也證雖可愈復發難療予丹參丹皮芫蔚旋覆苓梔柏葉鬱金海蛇之方覆杯果愈然不能懲忿踰二年復吐竟不起張孟皐少府令堂年踰古稀患氣逆殿屎煩躁不寐孟英切脈滑實且便闕面赤舌絳痰多以承氣湯下之霍然踰年以他疾終

王致青離尹令正患痰喘胡某進補腎納氣及二陳三子諸方證瀕於危顧昇庵參軍令延孟英診之脈沈而澀體冷自汗宛似虛脫之證惟二便不通脫悶苔膩是痰熱爲補藥所遏一身之氣機窒痹而不行也與夔薤旋赭杏貝梔薤芩鈴海蛇竹瀝等以開降覆杯卽減再服而安

王匯涵室年踰六旬久患痰嗽食減形消夜不能眠寢汗舌絳廣服補劑病日以增孟英視之曰固虛證之當補者想未分經辨證而圖圖瀕預翻與證悖是以無功投以熟地菴蓉坎板胡桃百合石英茯苓冬蟲夏草等藥一劑知旬日愈以其左脈弦細而虛右尺寸皆數爲陰虧氣不潛納之候及閱前服方果雜用耆朮以助氣二陳故紙附桂等以劫陰也宜乎愈補而愈劇矣

張篋百之室患感連服溫散繼邀顧聽泉診之云有驟變須延孟英商治渠不之信旬日後倏然昏厥寅正至辰初不甦病者之兄吳次歐速孟英視之脈伏而弦滑與大劑犀羚茹貝知母花粉元參銀花調局方至寶丹灌下卽安

趙子循患喉痹渠叔篋樓用大劑生軍下之而藥不能入孟英以錫類散吹之卽開與白虎法而痊王雪山令媳患心悸眩暈廣服補劑初若甚效繼乃日劇時時出汗肢冷息微氣逆欲脫灌以參湯稍有把握延踰半載大費不貲莊芝階舍人令延孟英診視脈沈弦且滑舌絳而有黃膩之苦口苦澀熱汛湧仍行病屬痰熱轆轤誤補則氣機壅塞與大劑清熱滌痰藥吞當歸龍薈丸服之漸以向安仲夏卽受孕次年二月誕一子惜其娠後停藥去疾未盡婉後復患悸暈不眠氣短不饑或作產後血虛治不效仍請孟英視之脈極滑數曰病根未刈也與蠲痰清氣法果應

許子雙令堂梁宜人仲春之杪偶患微感醫與溫散熱已漸退孟英偶過診右寸脈促數不調因謂子雙曰此風溫證其誤表乎恐有驟變渠復質之前醫以爲妄論仍用溫燥越二日卽見鼾睡再延孟英診之促數尤甚曰鼻息鼾矣必至語言難出仲聖豈欺我哉風溫誤汗往往皆然況在高年殊難救藥果浹旬而逝

此證雖經仲
多不識往往
醫家病家兩
此案可爲仲
景之功臣矣

吸食鴉片之
人津液素虧
感受溫邪較
平人倍重非
此標本并治
之劑必不效
矣

此因不兼外
邪故加五味
牛膝等藥徑
固其本若少
兼外邪者斷
不可用

姚某年未三旬。煙癮甚大。適伊母溫病而歿。勞瘁悲哀之際。吸受溫邪。脇痛。筋掣。氣逆。痰多。熱壯。神昏。整縮。自汗。醫皆束手。所親徐麗生囑其速孟英診之。脈見芤數。舌絳。無津。有陰虛。陽越。熱熾。液枯之險。況初發。卽爾。其根蒂之不堅可知。與犀。羚。元。參。知母。壯水。息風。菴。蓉。棟。實。鼠。矢。石。英。潛。陽。鎮。逆。沙。參。冬。石。斛。葳。蕤。益。氣。充。津。花。粉。梔。子。銀。花。絲。瓜。絡。蠲。痰。清。熱。一劑。知四劑。安。隨以大劑養陰而愈。

周光遠無疾而逝。其母夫人年踰七旬。遭此慘痛。漸生欬嗽。氣逆。痰鹹。夜多漩溺。口苦不饑。孟英曰。根蒂虛而兼怫鬱也。與沙。參。甘。麥。冬。熟地。龜板石。斛。貝。母。蛤。殼。小。麥。大。棗。而安。迨夏間。吸暑而患腹痛。滯下。小。溲。熱。澀。其嗽復作。脈仍虛。弦。略加。吳。數。但於前方增滑石。吞香連丸而瘳。因平昔畏藥。旣愈卽停。至仲秋。嗽又作。惟口不苦而能食。因於前方去沙。參。加高麗。參。五。味。石。英。牛。膝。熬。膏。頻服而痊。十月下旬。天氣驟冷。陡患吐瀉。腹痛。肢冷。音嘶。急邀孟英視之。脈微爲寒邪直中。亟與大劑理中。加吳。萸。橘。皮。杜。仲。故。紙。石。脂。餘糧而瘳。其夫人亦因悲鬱而患崩漏。面黃。腹脹。寢食皆廢。孟英用龜板。海。螵。蛸。女。貞。早。蓮。貝。母。柏。葉。青。蒿。白。薇。小。麥。茯。苓。藕。肉。蓮。子。心。而康。次年夏。其母夫人患溫邪。喉。脫。悶。汗。多。孟英投石膏。竹。茹。知。母。花。粉。旋覆。貝。母。薤。仁。紫。苑。等藥。三十劑而愈。聞者無不歎異。

胡季權令正。許子雙之女弟也。初於乙巳。患乳房結核。外科雜投溫補。核漸增而疼脹日甚。馴致形消。汎



融至細數則
陰竭陽亢不
拘何病均忌
此脈而虛勞
爲尤甚

溫散惟宜於
傷寒何可亂
投且既已見
疹則肺胃之
熱已現於外
矣與衆胡議
有何干涉此
言直是不通

愆夜熱減餐。骨痿於牀。孟英診曰。鬱損情懷。徒補奚益。初以蠲痰開鬱之劑。吞當歸龍薈丸。痛脹遞減。熱退能餐。月事乃行。改投虎潛加減法。服半年餘而起。凡前後計用川貝母七八斤。他藥稱是。今春因哭母悲哀。陡然發厥。與甘麥大棗。加龍牡龜鼈磁硃金箔龍眼而安。

王小谷體厚善飲。偶患氣逆。多醫咸從虛治。漸至一身盡腫。酷肖回春錄所載康副轉之證。因懇治於孟英。脈甚細數。舌絳無津。間有讖語。乃真陰欲匱。外候雖較輕於康。然不能收績矣。再四求疏。方與西洋參元參二地二冬知母花粉茹貝竹瀝葱鬚等藥。三劑而囊腫全消。舉家忻幸。孟英以脈象依然。堅辭不肯承手。尋果不起。

朱敦書令愛患感。醫投溫散。服二劑。遍身麻瘡。汛事適來。醫進小柴胡湯。遂狂妄莫制。乞援於孟英。脈至洪滑。弦數目赤。苔黃大渴不寐。是瘡因溫邪而發。所以起病至今。時時大汗。何必再攻其表。汛行爲熱迫於營。胡反以薑棗溫之。參柴升之。宜其燎原而不可遏也。與大劑犀角元參生地石膏知母花粉銀花竹葉貝母白薇以清衛涼營。服後卽眠。久而未醒。或疑爲昏沈也。屢爲呼喚。病者驚寤。卽令家人啟篋易服穿鞋梳髮。告別父母。云欲往花神廟歸位。人莫能攔。舉家痛哭。急迓孟英復視。脈象依然。囑其家靜守勿哭。仍以前方加重。和以竹瀝童溲。灌下卽安。繼用養陰清熱而愈。

方違古法並
不驚人特費
立齋景岳書
者見之未免
吃驚耳
不意浙省名
手扭於溫補
如此真不能
不歸咎於景
岳立齋諸公
矣

瞿穎山仲媳許培之之妹也。患舌糜。沈悅亭知其素稟陰虧。虛火之上炎也。與清涼滋降之法。及硃黃等
敷藥而不愈。乃兄延孟英往視。舌心糜腐黃厚。邊尖俱已無皮。湯飲入口。痛不可當。此服藥所不能愈者。
令將錫類散搽之。果即霍然。或疑喉藥治舌。何以敏捷如斯。孟英曰。此散擅生肌蝕腐之長。不但喉舌之
相近者。可以借用。苟能隅反。未可言罄。貴用者之善悟耳。且糜腐厚膩。不僅陰虛。要須識此。自知其故。
高祿卿室吳濂仲之妹也。孟夏分婉發熱。初疑蒸乳。數日不退。產科治之。知挾溫邪。進以清解。而大便溏
泄。遂改溫燥。其泄不減。另招張某視之。因謂專科誤用。薑仁所致。與參耆薑朮鹿角肉果等藥。泄瀉愈甚。
連服之。熱壯神昏。汗出不止。勢瀕於危。醞香孝廉徐夫人病者之從母也。心慈似佛。有子十人。皆已出。聞
其殆。夤夜命四郎季眉請援於孟英。按脈洪數七至。口渴苔黃。洞瀉如火。小溲不行。因謂季眉曰。病猶可
治。第藥太驚人。未必敢服。季眉堅欲求方。且云在此監服。乃疏白頭翁湯加石膏犀角銀花知母花粉竹
葉梔棟桑葉與之。次日復診。脈證較減。仍用前方。而病家羣譁。以為產後最忌寒涼。況洞泄數日乎。仍招
張某商之。張謂。幸我屢投溫補在前。否則昨藥下噦。頃刻亡陽。復定耆朮之方。業已煎矣。所親張芷舟孝
廉聞之。飛告於醞香處。汾伯昆季。即馳至病家。幸未入口。奪盞傾之。索孟英方。煎而督灌。且囑羣季輪流
守視。免致再投別藥。孟英感其情誼。快舒所長。大劑涼解。服至七劑。瀉全止。熱盡退。乃去白頭翁湯。加生

地元參茹貝。服半月始解黑色燥矢。而眠食漸安。第府藏之邪。雖已清滌。而從前溫補。將熱邪壅滯於膜絡之間者。復發數癰於胸乳之間。孟英令其恪守前法。復入蒲公英。絲瓜絡。橘葉。菊葉等藥。服至百劑。始告全愈。而天癸亦至。孟英曰。世俗泥於產後宜溫之謬說。況兼泄瀉。即使溫補而死。病家不怨。醫者無憾也。或具隻眼。誰其信之。此證苟非汾伯昆仲薦信於平時。而力排衆論於危難之間。余雖見到不疑。亦惡能有濟耶。余嘗曰。病不易識。尤不易患。醫不易薦。尤不易任。藥不易用。尤不易服。誠宇宙間第一難事也。而世人淺視之。可不悲哉。

趙秋舫進士。去秋患左半不遂。伊弟笛樓暨高弟許芷卿茂才。主清熱蠲痰治之。未能遽效。邀孟英診之。脈甚遲緩。苔極黃膩。便秘多言。令於藥中和入竹瀝一椀。且以龍薈滾痰二丸。相間而投。二丸各用斤許。證始向愈。今春出房。眠食已復。而素嗜厚味。不戒肥甘。孟夏其病陡發。孟英診之。脈形滑駛如蛇。斷其不起。秋初果歿。

吳澤門年踰花甲。素患脘痛。以爲虛寒。輒服溫補。久而益劇。孟英診曰。肝火宜清。彼不之信。延至仲夏。形已消瘦。倏然浮腫。脇背刺痛。氣逆不眠。心辣如焚。善嘔畏熱。大便秘時。瀉飲食下。嘔卽吐。諸醫束手。乃懇治於孟英。脈弦軟而數。與竹茹黃連枇杷葉知母梔棟旋赭等藥。而吐止。飲食雖進。各恙未已。投大劑沙參。

雖之膠相合
但與膠相凝
不堅動方乃
急則治標之
及根本亦不
過之次第也

生地龜板蟹甲女貞旱蓮桑葉丹皮銀花茅根茹貝知柏枇杷葉菊花等藥出入爲方二三十劑後周身發疥瘡而腫漸消右耳出粘稠膿水而漏止此諸經之伏熱得以宣泄也仍以此藥令其久服追秋始愈冬間能出門矣

比邱尼心能體厚謙跚偶患眩悸醫以爲虛久服溫補漸至發腫不饑仲夏延孟英視之脈甚絃滑舌色光絳主清痰熱盡撤補藥彼不之信仍服八味等方至季夏再屈孟英診之脈數七至眠食盡廢不可救藥矣果及秋而茶毗

金葉仙大令病其媳刳股以進因無效也悲哀欲絕遂發熱胡某治以傷寒藥而神迷自汗驚惕畏冷改換補藥乃氣逆不進水穀矣孟英視之七情有傷痰因火迫堵塞空靈之所也與沙參元參丹參丹皮茯苓麥冬連翹竹茹竹葉蓮心小麥加以川貝母一兩投之數劑而瘥

李竹虛令郎初秋患感冒便溏而止之乃至目赤譫妄舌絳苔黃澀善嘔粒米不能下咽孟英先與犀角石膏竹葉竹茹枇杷葉茅根知母花粉梔子以清之嘔止神清熱亦漸緩繼以承氣湯加減三下黑矢黃苔始退即能啜粥以其右關尺遲緩有力故知有燥矢也續投甘涼調理而痊

朱養之令弟媳初患目赤服藥後漸至滿面紅腫壯熱神昏醫者束手孟英切脈洪實滑數舌絳大渴腹

微脹以酒洗大黃犀角元參滑石甘草知母花粉銀花黃芩連翹薄荷菊花丹皮兩下之徑愈

都城售透土長壽丹極言其功之大能治諸疾而價甚廉人皆喜之孟英謂勿論其所用何藥執一方以療百病無此治法況以稟賦不齊證因有別勸人切勿輕嘗況以綠豆湯為引必有熱毒之品在內不可不慎也繼而張孟皐少府餌之患疽廣粵亭司馬服之咽爛孟英投多劑甘寒而愈王雪山久患下部畏冷吞未百丸齒痛目赤諸恙蜂起孟英察脈絃滑與多劑石膏藥兼以當歸龍薈丸頻服新疾既瘳腿亦漸溫令其常飲柿餅湯以杜將來之恙伊弟患腹脹而喜服溫補久而不效孟英曰濕熱也宜清化彼不信因服透土丹初頗應已而血大溢始得悔悟志此數則以為世之好服奇藥者戒

廣孔愚司馬之大公子仲秋患閒瘡寒少熱多面目甚黃苔膩大渴腹脹溺赤仍能納穀且素嗜肥甘不能撙節孟英按其脈滑實而數與承氣加知芩半貝翹連滑石石膏大腹花粉之類二十餘劑而始愈是膏梁挾暑濕熱之治也

凡陰虛之體血不足以養肝則肝陽易動雷用大劑鎮逆養陰開鬱治法懸絲入扣宜乎應手如為方一劑知二劑已續以滋養而瘳

凡陰虛之體血不足以養肝則肝陽易動雷用大劑鎮逆養陰開鬱治法懸絲入扣宜乎應手

變證多不
外肺胃二經
熱得其主
脈尚非難愈
之證

此濕勝於熱
之暑證也以
其偏勝故不
宜現熱證最

陳書伯庶常令弟保和年未冠患失音咽痛孟英與犀羚石膏元參豆根牛蒡射干等大劑清瀉之藥音
開而咽糜吹以錫類散糜愈而疹點滿布左目及耳後皆腫方中加以鮮菊葉二兩疹愈痰嗽不已仍去
前法服三十餘帖而痊此證脈滑且數口大渴初終未曾誤藥故能愈其庶母同時患喉糜而頭偏左等
心悸欲嘔壯熱煩躁脈弦細故立止此身陰虛也乃以犀合元參南芩丹參梔子桑寄生馬勃投之
外吹錫類散咽愈熱退續用二至二冬生地石英菴蓉龜板茯苓滋陰潛陽而溲又其二令妹亦患喉疹
汛事適行四肢痠痛略難舉動氣塞於咽孟英診脈絃滑以犀羚旋藟茹貝兜鈴牛蒡射干豆根花粉銀
花海蛇竹瀝絲瓜絡等出入為方兼吹錫類散而痊

吳爾純八月下旬患滯下腹痛異常伊外祖許仲廉延孟英往診形瘦脈數而絃口渴音微溺澀乃陰分
極虛肝陽熾盛伏暑為痢治法不但與寒痢迥異即與他人之伏暑成痢者亦當分別用藥也與白頭翁
湯加知母花粉銀花丹皮金鈴延胡沙參連服之次日復視痢減音開而右腹疼痛拒按為加冬瓜子
烏藥鼠矢三劑而消滯下亦愈惟薄暮火升面赤自汗重加介類潛陽而痊

楊某患感冒日初則便溏醫與溫散瀉止熱不退晝夜靜臥飲食不進孟英診脈遲緩浮取甚微目眇舌
色光紅口不渴溲亦行胸腹無所苦語嬾音低尋即睡去是暑濕內伏而有燥矢在胃機關為之不利也

先與清營通胃藥二劑。熱退舌淡。而脈證依然。加以酒洗大黃省頭草。卽下堅黑燥矢甚多。而睡減。噤口。繼以涼潤。旬日而痊。

陳春湖令郎子莊。體素弱。季秋患腹痛。自汗。肢冷。息微。咸謂元虛欲脫。孟英診之。脈雖沉伏。難尋。而苔色黃膩。口乾。溺赤。當從證也。與連朴棟梔元胡蠶砂省頭草等藥。而康。次年患感。復誤死於補。又夏。醞泉延孟英視錢。痼腹痛欲絕證。因見絃滑之脈。與當歸龍薈丸而安。

朱湘槎令媳。患小溲澀痛。醫與滲利反發。熱頭疼。不飢。口渴。夜不成眠。孟英診之。脈細數。乃陰虛肝鬱。化熱生風。津液已燦。豈容再利。與白薇梔子金鈴知母花粉紫苑麥冬石斛菊花服之。卽愈。其姪新泉之室。懷娠患痢。醫投溫燥止澀。腹痛甚。而發偏身黃。飲食不思。孟英視之。暑濕也。與芩連銀花茅根桑葉梔棟竹葉茵陳冬瓜皮而愈。

吳醞香大令仲媳。汛愆而崩。之後。脫痛發厥。自汗。肢冷。孟英診之。細而絃滑。口苦。便澀。乃素體多痰。風陽內鼓。雖當崩後。病不在血。與旋豬鈴茹枳貝蘼藁蛤殼爲方。痛乃漸下。厥亦止。再加金鈴延胡荽蓉鼠矢服之而愈。迨季冬。因卒驚發狂。笑罵不避親疎。孟英察脈。絃滑而數。與犀鈴元參丹皮丹參梔子菖蒲竹葉龍甲竹瀝。吞當歸龍薈丸。息風陽以滌痰熱。果數劑而安。然平時喜服補藥。或有眩暈。不知爲風痰內

凡藥中用硃砂者宜研入煎劑不可同

動益疑爲元氣大虛。孟英嘗諫阻之。而彼不能從。至次年季春。因傷感而狂證陡發。毀器登高。更甚於昔。孟英視之。苔黑大渴。與前方加眞珠牛黃服之。苔色轉黃。絃滑之脈略減。而狂莫可制。改以石膏硃砂鐵落菖蒲青黛知母膽星鼈甲金鈴旋覆元參竹瀝爲大劑。送礞石滾痰丸。四服而平。繼而腳氣大發。腹痛。便秘。上衝於心。肢冷汗出。昏暈欲厥。與連棟梔茹小麥百合旋貝元胡烏藥雲薤石英鼠矢黃柏藕等藥而安。

徐氏婦懷妊患痢。醫投溫補。胸腹痛極。昏厥咽糜。水飲礙下。孟英診之。脈洪數。舌絳。燥亟吹錫類散灌以犀角元參海蛇茹貝梔苑知斛豆根射干銀花棟實諸藥。胎下已朽。咽腹之疾隨愈。續用甘涼清熱存津調之。

許培之令祖母年踰七旬。久患淋漏。屢發風斑。孟英持其脈絃而滑。舌絳口乾。每以犀角生地二至芩蒿白薇元參龜板海螵之類。息其暴甘露飲增。損調其常。人皆疑藥過涼。孟英曰。量體裁衣。稟屬陽旺。氣血有餘。察其脈色。治當如是。病者乃云。十餘年前。偶患崩而廣服溫補。遂成此恙。始知先天陽氣雖充。亦由藥釀爲病。秋杪患寒熱如瘧。善怒不眠。苦渴易飢。不能納食。孟英察脈絃數倍。常與清肺蠲痰柔肝充液之法。漸以向安。今冬有薦吳古年診治者。詢知病原作高年脫營論。而以血脫益氣裁方。初服三四劑。飲

有是病則有是藥不拘何處此明醫之所以異於庸醫也

痰火為患十人常居八九而醫書所載皆治痰痰之法十投而十不效今得孟英大開治熱痰之法真可謂獨標幟義

食驟增舉家忻幸已而血漏甚多眠食欲廢復延孟英視之仍主前議果得漸康王天成牙行一婦年五十餘初患左目赤漸至發熱醫投溫散便泄而厥進以補劑少腹宿癥攻痛勢極危殆丐孟英診之脈甚絃與舌絳而渴與從蓉橘核當歸元胡龜板石莖蠔蛎茯苓梔棟更連數服而安踰年以他病卒

何新之令愛適湯氏孟冬分娩次日便瀉一次即發熱瘧語昏狂舉家皇皇乃翁邀孟英審之脈絃滑惡露仍行曰此胎前伏暑乘新產血虛痰滯而發也與大劑犀羚元參竹葉知母花粉梔棟銀花投之徧身得赤疹而瘧止神清乃翁隨以清肅調之而愈

胡秋穀令愛年甫笄往歲患眩暈孟英切其脈滑作痰治服一二劑未愈更醫謂虛進以補藥頗效渠信為實然今冬復病徑服補藥半月後眠食皆廢聞聲驚惕寒顫自汗肢冷如冰以為久虛欲脫乞援於孟英脈極細數目赤便秘胸下痞塞如枳力辨其非虛證蓋痰飲為患乍補每若相安具隻眼者始不為病所欺也投以旋赭茹貝蛤殼花粉桑椹蘼薤連枳等藥數服即安而暈不能止乃去赭薤蘼枳加元參菊花二至三甲之類服匝月始能起榻

汪氏婦自孟秋患痢之後大解溏泄未愈已而懷娠恐其墮也投補不輟延至仲冬兩目赤障滿遮氣逆



礙眠腕疼拒按痰嗽不食苦渴無溺屈孟英診之脈甚滑數曰此溫補所釀之疾也夫秋間滯下原屬暑濕熱為病既失清解逗留而為溇泄受孕以來業經四月慮其墮而補益峻將肺胃下行之令皆挽以逆升是以胸次堵塞而疼喘嗽不能臥又恐其上喘下泄而脫也補之愈力治節盡廢漫閉不饑渴氣壅至清竅兩目之所以蒙障而瞽也與沙參蛤殼枇杷葉冬瓜子海石旋覆蘇子杏仁黃連枳實海桐黃等梔子重加貝母服二劑即知饑下楊目能睹物矣

黃履吉患痛吐孟英已為治愈仲冬復發他醫藥之已七日不進穀矣二便秘澀形肉遽消再託孟英診之與旋赭茹苓萸連柿蒂棟實延胡等藥一劑知三劑愈

許仲筠患腹痛不饑醫與參朮薑附諸藥疼脹日加水飲不沾沈沈如寐孟英診脈絃細苔色黃膩投以枳朴萸連梔棟香附葵藜延胡等藥二劑便行脈起苔退知飢而愈

畢方來室患痰嗽礙眠醫與補攝而至涕淚全無目閉不饑二便澀滯乾嗽無痰氣逆自汗孟英切脈右寸沉滑左手細數而絃乃高年陰虧溫邪在肺未經清化率為補藥所錮宜開其痹而通其胃與萸薤紫苑兜鈴杏貝冬瓜子柑桔旋茹之劑而安踰二年以他疾終

賴炳也令堂年近古稀患左半不遂醫與再造丸暨補劑服二旬病如故孟英按脈絃緩而滑額赤苔黃

音微舌蹇。便澀無痰。曰此痰中也。伏而未化。與犀。羚羊。茹。貝。葛。夏。花。粉。知。母。白。薇。豆。卷。桑。枝。絲。瓜。絡。等。藥。服。三劑而苔化。音漸清朗。六七劑腿知痛。痰漸吐。便亦通。既而腿痛難忍。其熱如烙。孟英令塗葱蜜以吸其熱。痛果漸止。半月後眠食漸安。二旬外手能握。月餘可扶掖以行矣。

胡季權令郎珍官。右額偶發紫斑一塊。時當季冬。孟英與犀角石膏涼解之藥。二三帖後始發熱。斑漸透。犀角服二十帖始撤。素有目疾。餘熱復從目發。令以石膏藥久服。居然漸愈。且能食肌充。略無他患。聞者莫不異之。

趙春山司馬。向患痰嗽。自秋仲以來。屢發寒熱。吳古年從伏暑化瘡。治頗為應手。而一旬半月之後。病必復至。延至季冬。董蘭癡齋。尹囑其質於孟英。按脈滑數。舌絳。苔黃。渴飲。洩赤。動則喘。逆夜不成眠。痰多。畏冷。自問不能起矣。孟英曰。無恐也。不過膏粱釀痰。溫補助熱。是為病根。迨夏吸暑邪。互相轆轤。秋半而發。勢頗類瘡。古年雖識其證。惜手段小耳。因與羚羊。豆豉。連翹。薄荷。知母。花粉。竹茹。貝母。旋覆。海蛇。元參。梔子。省頭。草梨。汁。等藥。服五劑。熱退不畏冷。去前四味。加沙參。冬葳。枇杷葉。漸能安寐。各恙遞減。再加生地。服匝月而體健勝昔。登高不喘。司馬云。余昔曾服參茸大補之藥。而陽痿。今服君方而沉疴頓起。乃知藥貴對證。不貴補也。

王氏醫案續編卷五 原名仁術志

杭州王士雄孟英醫案

武進董介穀蘭初續輯

戊申元旦。陳秋槎參軍。大便驟下。黑血數升。繼卽大吐鮮紅之血。而汗出神昏。肢冷。搗搗燥。亂言。速孟英至。舉家跪泣救命。察其脈。左手如無。右絃。與按之數。以六十八歲之年。愈慮其脫。參湯煎就。將欲灌之。孟英急止。勿服。曰。高年陰分久虧。肝血大去。而風陽陡動。殆由忿怒。兼服熱藥所致。耶。其夫人云。日來頗有鬱怒。熱藥則未服也。惟冬閒久服薑棗湯。且飲都中藥燒酒一餅耳。孟英曰。是矣。以西洋參。犀角。生地。銀花。綠豆。梔子。元參。茯苓。羚羊。茅根。爲劑。衝入熱童溲。灌之外。以燒鐵淬醋。令吸其氣。龍牡研粉。撲汗。生附子。搗貼涌泉穴。引納浮陽。兩服血止。左脈漸起。又加以龜板。鼈甲。服三帖。神氣始清。各恙漸息。稍能吸粥。乃去犀。羚羊。加麥冬。天冬。女貞。旱蓮。投之。眠食日安。半月後。始解黑燥矢。兩旬外。便溺之色皆正。與滋補藥調痊。仍充撫轅巡捕。疊鑲如常。秋間赴任紹興。己酉秋。以他疾終。

姚令輿室。素患喘嗽。而病春溫。醫知其本元久虧。投以溫補。瘧厥神昏。耳聾。譫語。面青。舌絳。痰喘。不眠。皆束手矣。延孟英診之。脈猶絃滑。曰。證雖危險。生機未絕。遽爾輕棄。毋乃太忍。與犀角。羚羊。元參。沙參。知母。花粉。石膏。以清熱息風。救陰生液。佐菴蓉。石英。鼈甲。金鈴。旋覆。貝母。竹瀝。以潛陽鎮逆。通絡。蠲痰。三劑而